

傷寒論崇正編

漢張仲景原文

順德黎天祐庇留編註

辯陽明病脈證

陽明之爲病。胃家實也。

柯韻伯云。陽明爲傳化之府。當更實更虛。食入胃實而腸虛。食下腸實而胃虛。若但實不虛。斯爲陽明之病根矣。胃實不是陽明病。而陽明之爲病。悉從胃實上得來。故以胃家實爲陽明一經之總綱也。然致實之由。最宜詳審。有實於未病之先者。有實於得病之後者。有風寒外束。熱不得越。而實者。有妄汗吐下。重亡津液。而實者。有從本經熱盛而實者。有從他經轉屬而實者。此只舉其病根在實。而勿得以胃實爲卽可下之證。又云陽明提綱。與內經熱論不同。熱論重經絡。病爲在表。此以裏證爲主。裏不和卽是陽明病也。他條或有表證。仲景意不在表。或兼經病。仲景意不在經。

陽明爲闔。凡裏證之不和者。又以闔病爲主。不大便。固闔也。不小便。亦闔也。不能食。食難用飽。初欲食。反不能食。皆闔也。自汗出。盜汗出。表開而裏闔也。反無汗。內外皆闔也。種種闔病。或然或否。故提綱獨以胃實爲主。胃實不是。竟指燥屎堅鞭言。只對下利言。下利是胃家不實矣。故汗出解後。胃中不和而下利者。便不稱陽明病。如胃中虛而不下利者。便屬陽明。卽初鞭後溏者。總不失爲胃家實也。

沈堯封云。胃家實言以手按胃中實鞭也。如大陷胸證按之石鞭卽名實熱。梔子豉證按之心下濡。卽名虛煩。夫心下俱以濡鞭分虛實。何獨胃中不以濡鞭分虛實乎。此說可與柯公之論相表裏。

陳脩園云。燥氣爲陽明之本。氣燥氣太盛。無中見太陰濕土之化。則胃家實於內。故曰胃家實也。

太陽病。若發汗。若下。若利小便。此亡津液。胃中乾燥。因轉屬陽明。不更衣內實。大便難者。此名陽明也。

柯韻伯云。此條明陽明轉屬之病因。有此亡津液之病機。成此胃家實之病根也。又按仲景陽明病機。其原本經脈篇主津液所生病句來。故總歸重在津液上。如中風之口苦咽乾。鼻乾不得汗。身目黃。小便難。皆津液不足所致。如腹滿。小便不利。水穀不別等。亦津液不化使然。故仲景諄諄以亡津液爲治陽明者告也。

陳脩園云。胃中無津液而乾燥。其太陽未解之邪熱。因轉屬於陽明。不更衣爲腸內之實。腸內實大便必難通。此名太陽轉屬之陽明也。

陽明病外證。身熱汗自出。不惡寒。反惡熱也。

柯韻伯云。陽明主裏。而亦有外證者。有諸中而形諸外。非另有外證也。胃實之外見者。其身則蒸蒸然。裏熱熾而達於外。與太陽表邪發熱者不同。其汗則濺濺然。從內溢而無止息。與太陽風邪爲汗者不同。表寒已散。故不惡寒。裏熱閉結。故反惡熱。只因有胃家實之病根。卽見身熱汗自出之外證。不惡寒。反惡熱之病情。然此但言病機發見。非卽可下之證也。宜輕劑以和之。必譫語潮熱煩躁。脹滿諸證兼見。纔爲可。

下。此四條是陽明外證之提綱。故胃中虛冷亦得稱陽明病者。因其外證如此也。喻嘉言云。以此辯陽明中風之外證。兼太陽也。

按太陽中風之汗出者。其汗爲風中肌腠。肌實則表虛不固。故汗出。若陽明則熱自內迫而作汗。其汗不同太陽之汗。安得執汗出而認爲陽明之中風乎。陽明之中風。以能食爲據。至以發熱汗出爲兼太陽。更未識陽明之外證也。

本太陽病。初得病時。發其汗。汗先出不徹。因轉屬陽明也。傷寒發熱無汗。嘔不能食。而反汗出。漉漉然者。是轉屬陽明也。

照張錢塘本

來蘇集分爲兩節。徹字作止字解。汗出不徹。卽汗出多之互辭。下節由傷寒發熱無汗起。謂胃實之病。機在汗出多。病情在不能食。初因寒邪外束。故無汗。繼而胃陽遽發。故反汗多。卽嘔不能食。時可知其人胃家素實。與乾嘔不同。而反汗出。則非太陽之中風。是陽明之病實矣。

陳脩園云。其太陽標熱之氣。不能隨汗而泄。卽與燥氣混爲一家。因此而轉屬陽明。

也。更有發熱無汗。其時卽伏胃不和之病機。故嘔不能食。不因發汗而反汗出漉漉然者。水液外泄。則陽明內乾。是轉屬外。又有一轉屬之陽明也。

張錢塘云。此言陽明有內外轉屬之不同。上截言轉屬陽明之在外者。下截言轉屬陽明之在內者。

傷寒三日。陽明脈大。

柯韻伯云。脈大者。兩陽合明。內外皆陽之象。陽明受病之初在表。脈但浮而不大。與太陽同。故亦有麻黃桂枝證。至二日惡寒自止而反惡熱。三日熱勢太盛。故脈亦洪大也。此爲胃家實之正脈。

張錢塘云。夫六經之傳。一日太陽。二日陽明。邪傳陽明。便歸中土。無所復傳。故至三日而現脈大之陽明也。脩園註本此。

喻嘉言云。陽明氣血俱多。其脈必大。方氏沈氏亦云然。

金鑑云。邪熱入胃。而成內實之診。

傷寒。脈浮而緩。手足自溫者。是爲繫在太陰。太陰者。身當發黃。若小便自利者。不能發黃。至七八日。大便鞭者。爲陽明也。

柯韻伯云。太陽受病。轉屬陽明者。以陽明爲燥土。此病機在小便。小便不利。是津液不行。故濕土自病。病在肌肉。小便自利。是津液越出。故燥土受病。病在胃也。

客曰。病在太陰。同是小便自利。至七八日。暴煩下利。仍爲太陰病。大便鞭者。轉爲陽明病。其始則同。其終則異者。何也。曰。陰陽異位。陽道實。陰道虛。故脾家實。則腐穢自去。而從太陰之開。胃家實。則地道不通。而成陽明之闔。此其別也。

陳脩園云。此言陽明與太陰相表裏之義。陽明之發熱。是身全熱。今止手足自溫。是爲病不在陽明。而繫在太陰。太陰濕土。濕熱相併。身當發黃。小便利。得以下泄。故不能發黃。至七八日。值陽明主氣之期。遂移其所繫。而繫陽明。胃燥則腸乾。大便無不鞭者。此爲陽明也。

陽明中風。口苦咽乾。腹滿微喘。發熱惡寒。脈浮而緊。若下之。則腹滿。小便難也。

柯韻伯云。數證似太陽少陽太陰。但三經證俱未備。故名爲陽明中風耳。是知口爲胃竅。咽爲胃門。腹爲胃室。喘爲胃病矣。惡寒爲陽明初病之表證。浮緊爲潮熱有時之定脈。若以腹滿爲胃實而下之。津液既竭。腹更滿而小便難。必大便反易矣。此中風轉。中寒胃實。轉胃虛。初能食而致反不能食之機也。傷寒中風。但見有柴胡一證便是。則口苦咽乾。當從少陽證治。脈浮而緊者。當曰弦矣。

按此註用小柴胡。較勝陳註之發汗。

陳脩園云。此條言陽明之氣。不特與太陰爲表裏。抑且與太陽少陽相合。涉於少陽之熱化。故口苦咽乾。涉於太陰之濕化。故腹滿微喘。涉於太陽之寒化。故發熱惡寒。陽明脈本浮大。以陽明協於太陽。故脈浮中不見大而見緊。浮緊之脈。宜從汗以解之。若誤下則陽邪內陷於中土。則中土不運。而腹增滿。少陽之三焦不能決瀆。復增出小便難之新證也。

(註本張錢塘)

程郊倩云。此與太陽大青龍同。彼以風寒持其營衛。故有煩躁而無腹滿。此以風寒

持住陽明。故有腹滿。按大青龍是汗不出。鬱熱而煩躁。非風寒兩傷也。此明明陽明中風。何得言風寒。且腹滿之所以然亦未悉。

唐容川云。此只申明少陽陽明證。脈浮而緊。是弦脈也。發熱惡寒少陽證也。口苦咽乾。少陽證也。惟腹滿微喘。兼在陽明。當借少陽而達於表。不可下。腸胃而引入裏也。少陽三焦司決瀆。引入裏則小便難。淺註牽引太陰太陽。反生葛藤。

愚按陳註本之張錢塘。將口苦咽乾三證。分屬少陽太陰太陽。似爲現成。但全無陽明見證。則陽明中風句。反無着落。果爾。當改爲少陽太陰太陽三經合病。不得爲陽明中風矣。唐氏謂爲少陽陽明發熱惡寒。亦屬少陽。按少陽實往來寒熱。發熱惡寒。則屬太陽。而陽明初病。亦有惡寒。則柯註爲是。且腹滿微喘。屬之陽明。確爲胃實可下之證。但初病陽明。則無此。亦是可疑處。若以本文論。則柯註引小柴作證爲是。陽明病。若能食名中風。不能食名中寒。

陳脩園云。風能鼓陽明之氣。故能食。名中風。寒能閉拒陽明之氣。故不能食。名中寒。

然此特初病則然久之則爲實滿等證雖能食者亦歸於不能食矣要之以食而辨風寒之氣卽以食而驗陽明之胃氣因正而辨邪因邪而識正善讀者能會心於文字之外則得矣。

柯韻伯云此不特以能食不能食別風寒更以能食不能食審胃家虛實也要之風寒本一體隨人胃氣而別此條本爲陽明初受表邪先辨胃家虛實爲診家提綱使其着眼不是爲陽明分中風傷寒之法也。

喻嘉言云本之張錢塘亦云風爲陽能消穀寒爲陰不能消穀以此辨風寒則有據陽明病若中寒不能食小便不利手足濇然汗出此欲作固瘕必大便初鞭後溏所以然者以胃中冷水穀不別故也。

陳脩園云陰寒過甚不得本氣燥熱之化則穀不消而不能食水不化而小便不利四肢爲諸陽之末胃陽虛而津液外泄故手足濇然汗出此欲大便固而仍不固欲作大瘕泄而仍不瘕燥氣用事必大便初鞭寒氣用事而後半卽溏所以然者以胃

中冷。水穀不能泌別故也。

柯韻伯云。胃實則中熱。故能消穀。胃虛則中寒。故不能食。陽明以胃實爲病根。更當以胃寒爲深慮耳。凡身熱汗出不惡寒。反惡熱。稱陽明病。今但手足汗出。則津液之洩於外者尙少。小便不利。則津液不泄於下。陽明所慮在亡津液。此更慮其不能化液矣。又云。固瘕卽初鞭後溏之謂。肛門雖固結。而腸中不全乾也。溏卽水穀不別之象。以癥瘕作解。謬矣。按大腸小腸俱屬於胃。欲知胃之虛實。必於二便驗之。小便利。屎定鞭。小便不利。必大便初鞭後溏。今人但知大便鞭。大便難。不大便者。爲陽明病。亦知小便難。小便不利。小便數。少或不尿者。皆陽明病乎。

唐容川云。水穀不別。指出水從胃中。卽散出而走膜膈也。西醫所謂胃之通體有微絲血管。將水散出。內經所謂上焦爲水之上源。卽指出水從胃中而散入膜膈也。胃中冷。卽總論所謂燥氣不足。合觀總論。而水穀之治法明矣。喻嘉言云。固瘕卽溏泄久而不止也。

陽明病不能食。攻其熱必噦。所以然者。胃中虛冷故也。以其人本虛。故攻其熱必噦。柯本下節。卽接以若胃中虛冷不能食者。飲水則噦。

陳脩園云。陽明病雖以胃家實爲大綱。而治者當刻刻於虛寒上。着眼。陽明病。胃氣實則能食。今不能食。可知其胃虛矣。醫者誤攻其熱。則虛不受攻。寒復傷胃。其人必噦。以其胃中虛冷故也。此胃氣存亡之關頭。不得不再叮嚀曰。以其人胃氣本虛。故攻其熱必噦。

柯韻伯云。要知陽明病不能食者。雖身熱惡熱。而不可攻其熱。不能食。便是胃中虛冷。用寒以徹表熱。便是攻。非指用承氣也。傷寒治陽明之法。利在攻。仲景治陽明之心。全在未可攻。故諄諄以胃家虛實相告耳。

張錢塘云。噦。吮逆也。

高子曰。遍閱諸經。止有噦而無吮。以噦之爲吮也。確乎不易。詩云。鸞聲噦噦。謂吮之發聲有序。如車鑿聲之有節奏也。凡經論之言噦者。俱作吮解無疑。

唐容川云。此言胃氣虛冷。無燥屎。雖有身熱之陽明證。亦不可誤攻其胃。非胃有燥屎。斷不可攻也。淺註必扯胃家實爲言。反添葛藤。

陽明病。脈遲。腹滿。食難用飽。飽則微煩。頭眩。必小便難。此欲作穀疸。雖下之。腹滿如故。所以然者。脈遲故也。

柯本有腹滿二字。淺註照張本無腹滿二字。細按本文腹滿如故。可知其先已有腹滿矣。

柯韻伯云。陽明脈浮而大爲中風。若脈遲爲中寒。爲無陽矣。食難用飽。因於腹滿。腹滿。因於小便難。煩眩。又因於食飽耳。食入於胃。濁氣歸心。故煩。陽虛不能化液。則清中清者不升。故食穀則頭眩。濁中清者不下。輸故腹滿。而小便難。胃脘之陽不達於寸口。故脈遲也。金匱曰。穀氣不消。胃中苦濁。濁氣下流。小便不通。身體盡黃。名曰穀疸。當用五苓散調胃利水。而反用茵陳湯下之。腹滿不減。而除中發噦。所由來矣。所以然者。遲爲在藏。脾家實則腐穢自去。食難用飽者。脾不磨也。下之則脾家愈虛。

不化。不出。故腹滿如故也。

張錢塘方中行程郊倩陳脩園金鑑註皆同。

喻嘉言云。得食微煩者。外邪助其內熱也。熱蒸食而上攻。故頭眩。小便難者。濕熱上攻水道必不通也。作穀疸者。水穀之濕。得熱蒸而遍身發黃也。下之腹滿如故者。病未除而脈愈遲也。

按此註虛證誤認爲實證。不至病增劇烈不止。試問脈遲。食難用飽。不能食。何謂乎。明陽病。法多汗。反無汗。其身如蟲行皮中狀者。此以久虛故也。

柯韻伯云。明陽氣血俱多。故多汗。其人久虛。故反無汗。此又當益津液和營衛。使陰陽自和而汗出也。

陳脩園云。胃氣久虛。不能輸精於皮毛。故無汗。內經云。輸精皮毛。毛脈合精。行氣於府。可知內而經脈。外而皮毛。皆稟氣於胃。胃虛則皮毛經脈俱無所稟矣。

金鑑云。邪熱鬱太陽之表。陽明肌腠不能宣發作汗故也。宜葛根湯小劑微汗。

傷寒論卷之五 辨少陰病脈證並治法第三十一
按葛根湯豈久虛者所宜。虛證認作實證。誤也。

喻嘉言云。此胃熱挾寒邪而鬱於肌膚也。久虛是不能透出肌膚之故。非謂當補也。按末句欠妥。凡云虛則補法卽在大宜研究。

此證常器之用桂枝加黃耆湯。郭雍用麻桂各半湯。汪氏謂陽明無汗宜葛根湯。愚按黃耆建中較妥。

陽明病。反無汗。而小便利。二三日。嘔而欬。手足厥者。必苦頭痛。若不欬不嘔。手足不厥者。頭不痛。

柯韻伯云。小便利則裏無瘀熱可知。二三日無身熱汗出惡熱之表。而卽見嘔欬之裏。更手足厥逆。此胃陽不敷。布於四肢。故厥不上升於頭。顛故痛。緣邪中於膈。結在胸中。致嘔欬而傷陽也。當用瓜蒂散吐之。嘔欬止。厥痛自除矣。

按論證則是擬方則非。此胃陽虛寒。上逆於頭。不能灌於四旁。當以真武加乾薑細辛北味。去生薑加吳茱萸半夏最合法。若用瓜蒂再吐。必吐下不止。厥逆無脈。危乎。

其危。

張石頑云。邪不在內。而在外。不在下。而在上。仍宜小青龍湯。

按手足厥而無發熱。則非在表。陽明寒氣牽連。正氣而上。逆病非在上。小青龍治外者也。此非所宜。

陽明病。但頭眩。不惡寒。故能食而欬。其人必咽痛。若不欬者。咽不痛。

陳脩園云。頭眩。有陽。有陰。有寒。有熱。從何處辨起。惟不惡寒。知病屬陽明。而不屬陰經矣。陽明病若能食。名中風。故卽其能食。而知爲陽。陽胃熱而非陽。陽胃寒矣。由是熱氣上攻。肺受火爍。而發咳。咳極。其人必咽痛。若熱不上。干於肺。而不咳者。咽亦不痛。

柯韻伯云。此邪結胸中。而胃家未實也。當從小柴胡加減法。

愚謂胃熱爍肺。竹葉石膏湯去半夏加桔梗更妥。無往來寒熱。小柴胡用不著。

喻嘉言云。此胃熱挾風邪而上攻也。

陽明病。無汗。小便不利。心中懊懣者。身必發黃。

柯韻伯云。陽明病。法多汗。反無汗。則熱不得越。小便不利。則熱不得降。心液不安。故雖未經汗下。而心中懊懣也。無汗。小便不利。是發黃之原。心中懊懣。是發黃之兆。然口不渴。腹不滿。非茵陳湯所宜。與梔子柏皮湯。黃自解矣。

按中土鬱熱。正合痧熱在裏意。且有小便不利及無汗等。當以茵陳湯較勝。梔子柏皮湯。主治熱發於外之黃證。鬱於中者未合也。然此三方可擇用。

陳脩園云。陽明之氣。不能外達於皮毛。則無汗。不能下輸於膀胱。則小便不利。熱無可泄。鬱於中土。故心中懊懣。鬱於中者。必現於外。故身必發黃。
(本張錢塘)

金鑑主麻黃連軹赤小豆湯。外發內利。

陽明病被火。額上微汗出。小便不利者。必發黃。

柯韻伯云。陽明無表證。不當發汗。况以火劫乎。額爲心部。額上微汗。心液竭矣。心虛。腎亦虛。故小便不利。而發黃。非梔子柏皮湯。何以挽津液於涸竭之餘耶。

按此條比上條更重。茵陳湯內有大黃。可泄內熱。金鑑亦主茵陳湯。

陳脩園云。熱鬱於中。醫者不知所以無汗之故。以火強迫其汗。熱邪被火。燥極。而其熱不能外越。但上攻於額。而微汗出。又不得下行。則小便不利。濕熱相薰。亦必發黃。此借被火以言其更甚也。凡誤服羌獨荊防及薑桂烏附之類。皆以被火概之。喻嘉言云。誤火則熱邪愈熾。津液上奔。額雖微汗。而周身之汗與小便愈不可得矣。陽明病脈浮而緊者。必潮熱。發作有時。但浮者必盜汗出。

柯韻伯云。陽明脈證與太陽脈證不同。太陽脈浮緊者。必身疼痛。無汗惡寒。發熱不休。此則潮熱有時。是惡寒將自罷。將發潮熱時之脈也。此緊反入裏之謂。不可拘緊則爲寒之說矣。太陽脈但浮者。無汗。今盜汗出。是因於內熱。且與本經初病但浮無汗而喘者不同。又不可拘浮爲在表之法矣。但浮而不合麻黃證。身熱汗出。而不是桂枝證。麻桂下咽。陽盛則斃耳。此脈從經異。非脈從病反。要知仲景分經辨脈。勿專據脈談證。故善診者必據證辨脈。勿據脈談證。